

欽定剿平粵匪方略

欽定勦平粵匪方略卷一百五十八 丙辰年

七月初一日

丙辰

王懿德呂佺孫奏言欽奉

諭旨飭調閩兵赴向榮軍營助勦查閩省建甯邵武汀
州延平等府均與江右輔車相依偏近賊氛前
派張從龍陳上國統領兵勇赴江應援業已陸
續馳抵江西建昌會同攻勦現據委辦防務督
糧道王訓稟報順昌九龍山土匪糾合江西汀

廣奸民分股滋擾該處路徑紛歧緊接建甯邵武正當籌防江匪萬分喫緊之際亟應迅圖撲滅現調省標及各營共兵一千名派遊擊蘇遇春等帶赴順昌圍拏務期速殲醜類至張從龍陳上國統率援師既已進紮建昌可圖克復若全數改赴金陵閩省藩籬頓撤設該逆乘虛闖入閩境勦辦愈形費手而江南需兵孔亟何敢

稍分畛域現飭張從龍陳上國於現帶兵勇內
挑足精銳一千五百名卽由陳上國統帶刻日
馳赴金陵大營其餘兵勇仍由張從龍統領會
合江右官軍併力攻勦一俟閩省另調興化等
營精兵添雇健勇派委署興化協副將琳潤等
帶赴江閩交界接替防勦卽飭張從龍統帶原
調援兵前赴江南軍營聽候調遣奏入

上命軍機大臣傳諭王懿德呂佺孫曰昨因江西饒郡
失守廣信危急諭王懿德等將張從龍陳上國所帶
各兵飭赴建昌廣信防勦並諭由閩續調官兵迅速
馳定向榮軍營茲據該督等奏順昌九龍山土匪糾
合江西汀廣奸民分股滋擾調赴江右援兵未敢驟
撤藩籬等語閩省毗連江西地面本有督糧道王訓
等在彼督辦防務現雖有匪徒覬覦而滋事未久如

果實力圍捕當易撲滅該督已另調省標及各營兵
一千名派遊擊蘇遇春等管帶前往順昌協拏著卽
責成王訓等妥爲調度迅掃賊氛其張從龍陳上國
之兵著仍令赴建昌廣信分投防勦該處距閩不遠
亦可牽制賊勢爲順昌等處聲援至琳潤等所帶兵
勇及續論添調兵二千名仍當迅速抽赴向榮軍營
俾資勦辦

初二日丁巳向榮奏言逆匪自六月初三日被我

軍擊敗後大股繞往東南之香草河錢橋和定橋一帶築壘屯踞意圖包抄我營後路希冀內犯臣與臣福興籌畫布置督飭總兵張國樑趕築營盤相機扼勦初八至初十日進攻錢橋和定橋等處賊巢斃匪無數該逆乘夜聚黨在鳳凰岡搶築賊壘十一十二等日臣福興與張國

樑等連次會合進攻雖擊斃站牆守堞之賊不
下一二百人而我軍屢次逼近壘牆均因賊礮
過密不能撲進十三日卯刻復分兵三路進攻
該逆於申刻出壘潰逃經張國樑派隊抄剿並
親督大軍分投掩殺斬馘不計其數餘匪奔往
和定橋老巢又遇官軍迎頭攔截痛加勦洗賊
屍徧地追奔十餘里該逆向殷莊一帶逃去乃

將鳳凰岡逆壘二座踏毀計連戰三晝夜之久
斃匪不下千名軍威稍振惟逆數尙衆變詐百
出內犯之路處處可通另派遊擊虎坤元選帶
兵勇二千名馳往珥陵更替扼堵調回總兵虎
嵩林之軍於香草河迤東添築營盤四座分屯
堵勦十六十七等日賊匪分犯河東河西張國
樑等督隊截勦殲斃數百人立將賊衆擊退其

副將秦如虎一軍在建平堵勦亦於十三四等
日連獲勝仗至總兵明安泰駐軍溧陽西北以
扼溧水之衝旋因賊由東夏繞至建平復分兵
紮於溧陽之東以顧宜荆臣現飛飭明安泰趕
緊進兵南渡扼紮相機攻勦一面札飭江長貴
秦如虎由建平東夏一帶進攻東壩與明安泰
聯絡會勦以扼江浙門戶日來探聞各處之賊

源源踵至並搬運大礮日對我營轟擊意圖衝
突現在我軍雖能力遏賊鋒疊次斬殺不少第
恐逆衆分股他竄兵力尙單不能分布截勦而
統兵又乏得力大員伏思臣軍自到江南如和
春秦定三瞿騰龍孔廣順吉順鄭魁士傅振邦
等先後分調江北其留江南者鄧紹良則在甯
國秦如虎則在建平明安泰則在溧陽德安現

又患病每遇接仗惟恃張國樑一人實屬不敷
調撥相應請

旨將鄭魁士傳振邦

飭調一員前來江南以資差遣奏入

上命軍機大臣傳諭向榮曰逆匪撲犯丹陽經我軍日
夜轟勦焚燬鳳凰岡賊壘二座聲威稍振惟逆數尙
多內犯之路處處可虞該大臣布置各情雖尙周妥

究恐賊衆兵單不敷分布前諭英桂飭傅振邦帶兵馳往江南助剿復諭和春等挑選馬步官兵二千名卽日前赴丹陽當可陸續趕到隨時布置該大臣扼守丹陽雖屢挫兇鋒而句容之茅山薛埠丹徒之寶堰等處皆可徑至常州無須經過丹陽况宜荆太湖水陸紛歧並可直達蘇浙內竄之路幾於防不勝防該大臣惟當嚴飭明安秦秦如虎等實力防剿並遵

疊次諭旨激勵兵勇相機進剿勿得株守一隅致誤
全局

初四日己未何桂清奏言近日傳聞向榮福興共

事不似從前融洽且福興與張國樑又不相能
兵勇亦多不服臣初未敢信及密詢營中來者
眾口一詞雖皆爲公並無嫌隙而不能和衷共
濟已可概見茲又見怡良寄許乃釗函稱彭玉

上拔擢之恩實能奮不顧身感激圖報百戰之餘殺
賊無算賊尤畏之故四五月閒此擊彼竄倏忽
局有礙等語伏查向榮威望素著調度有方屹
然爲東南保障者厯有年所而其所倚以爲左
右手者則惟張國樑而已張國樑仰蒙

上拔擢之恩實能奮不顧身感激圖報百戰之餘殺
賊無算賊尤畏之故四五月閒此擊彼竄倏忽

靡常無非爲牽掣張國樑之計一聞其往攻溧水遂糾衆數萬徑撲紫金山大營迫張國樑倉猝回援身又受傷而各營盤已多失陷此向榮之所以不得不退守丹陽也其時該匪已全力內犯兵心不免渙散民心尤不免震恐賴向榮速派張國樑總統諸軍帶傷力戰逆黨始不能越丹陽一步是向榮所倚賴賊匪所畏懼兵勇

所悅服以及江浙兩省官紳士民所仰望者實
不過張國樑一人今丹陽營盤三十餘座業經
紮定張國樑傷亦漸愈而福興與向榮張國樑
各存意見兵勇又不服之若令勉強共事必致
無益有礙况福興才具頗優年力正壯此時需
才之處甚多如能量移他處自可各盡所長至
許乃釗前往開導一節恐貌從心違遇事仍多

齟齬卽使諸臣共知大義渙然冰釋而萬餘兵
勇安能一一開導之使其翕然心服耶萬一衆
怒兵譁致生意外之變則大局更不可收拾矣
惟有籲求

乾綱獨斷速降

諭旨以一事權而消禍患奏入

上命軍機大臣傳諭向榮曰朕聞福興近日在營與張

國樑意見參差將士無所適從並聞怡良有函知許
乃釗令其前往開導之事軍營將帥不和必致貽誤
大局斷非勉強解釋所能了事自鄧紹良渡江之後
揚營武職正少幫辦大員該將軍才優年壯尙能督
帶馬隊若將福興移往江北較爲合宜著向榮卽將
福興與張國樑不能和衷之處據實速奏候旨派調
或令福興自統一軍分營防勦尙可藉資得力卽微

甯等處亦可酌量撥往總期各盡所長不致互相掣肘貽誤大局爲要至丹陽軍營現在軍威稍振張國樑總統諸軍尙能奮勇若畀以幫辦能否勝任著向榮一併據實具奏當此軍務孔棘全在將帥得人萬不准稍存瞻徇

初五日 庚申 官文奏言武漢逆匪經我軍連日環

攻探悉九江逆首石達開欲糾黨由廣濟蘄水

黃岡上至漢鎮援應臣當飭沙口水師嚴密扼
截一面密飭臬司李孟羣分派各軍相機進剿
六月初九日探報有賊六七千已由陸路至黃
郡上二十里之陡城分東西路而上我軍分路
截擊賊衆數千先由東路彙擁而至軍功范潮
蘭等乘其喘息未定衝入賊陣馬步並進槍礮
齊施斃賊五六百名時西路賊衆麕至軍功劉

藍田遇賊佯退數里營總多隆阿等伏兵從後抄襲賊隊大亂我軍首尾夾擊賊勢披靡殺斃四百餘名我軍會合於城頭山復追殺敗賊百餘名臣接報飛檄知府許廣藻會同將軍都興阿等乘勝進攻黃郡並令楊載福水師蔣益澧等陸勇就近策應初十日黎明整隊前進該逆先期於城外堅築圍牆死守不出我軍拋入火

彈焚其牆內望樓沿燒南門房屋賊衆驚亂水
陸兵勇齊力轟燬土牆格斃守牆賊百餘名賊
盡退入城內開礮抗拒我兵直撲城下被傷多
名未能攻入漢陽城賊重濠壘卡死守如故李
孟羣環攻二十餘日斬馘無多而連日探悉武
昌城賊渡入漢城者絡繹不絕各營料有詭謀
多方準備二十一日辰刻賊船數十號由襄河

口上駛訥欽與李光榮飛調礮船迎擊拋擲火
彈火箭焚燒賊船數隻餘船仍退出江各營正
在收隊又有賊千餘由米廠河至漢口圖撲我
營訥欽與巴克坦布等馬步各隊縱橫血戰共
計斃賊五百餘名餘賊潰敗回巢兵勇追至河
口而還提訊生擒賊供武漢賊衆約二萬餘口
糧尙可敷衍數月是以死守待援並分股上竄

冀解城圍等語查武漢重地我師圍攻日久該
逆非堅守待援卽窮極思竄臣咨商撫臣胡林
翼嚴扼下游杜其援應仍激勵將士務克堅城

上紆

聖主宵旰憂勤至意奏入

上諭內閣曰官文等圍攻武昌漢陽日久無功此次各
路雖皆獲勝於克復尙無把握實屬遷延貽誤著該

大臣等振刷精神督飭將弁兵勇實力勦辦剋期收復城池不得以小有勝仗鋪張搪塞儻再因循觀望國法具在恐該大臣等不能當此重咎也

十二日丁卯向榮奏言官軍自六月十七日擊敗

賊匪後旬日之間屢次明攻暗襲賊均伏匿不戰二十七日探報江鎮又來賊萬餘由楂樹岡丁角寶堰分股竄至蔓延黃土橋河西連夜偷

築賊壘臣帶領親軍小隊於二十八日親赴黃
土橋河東督戰令虎嵩林沿河趕築營盤控扼
堵剿斃賊不少該逆復潛搭浮橋渡過簡瀆河
東黃莊橋偷築五壘因思賊勢既趨重黃莊橋
其後路松柏村五里牌之賊必少密飭張國樑
挑派隊伍分路力攻而以虎嵩林一軍牽制黃
莊橋之賊二十九日張國樑親督大隊兵勇由

五里牌上流搭渡進攻礮匪數十名立將礮臺
踏毀乘勢躍過濠溝攻破賊壘斃賊無算餘逆
飛奔後壘張國樑督隊催戰不料被賊擡槍子
中傷左膀猶復奮力前衝移時收隊臣聞之倍
深焦灼查賊鋒偏紮簡瀆河東已由南抄近東
面距大道不過數里係丹陽入常後路該逆以
全力來爭若不迅速掃除爲患非淺迅將遊擊

虎坤元由珥陵調回卽於是晚挑選兵勇派令副將王浚等各率所部分作十隊檄令虎嵩林指揮督戰而以副都統德崇額率領馬隊策應三十日丑刻出隊直趨簡瀆河東黃莊橋會齊各軍分路攻勦斬馘無數攻進賊濠該逆拚死拒守大礮擡槍子密如雨兵勇不避兇險爭先躍上壘牆砍斃柵門悍賊大隊一齊擁入殲斃

不計其數乘勝攻破二壘德崇額等馬隊左右抄兜殲斬無一脫者後面之賊越壘欲逃我軍馬隊一齊壓下勢如破竹將賊匪橫衝肆擊大加誅戮餘逆紛紛撲河淹溺尤衆遂將後面三壘並附村賊卡縱火焚燒河東黃莊橋一律掃平乘勢攻撲河西該逆阻水密開槍礮與我軍死力抗拒張國樑添派生力軍一支馳往策應

三十一
三十一
一面修築三營安放大礮對河西賊壘轟擊斃
匪不少該逆站腳不住於夜半焚壘自遁當將
河西三壘一律平毀統計是日踏破賊壘五座
轟破三座斃賊二千餘名伏思該逆此次蔓延
黃莊橋河東勢甚猖獗今一戰而掃八壘實足
以挫兇醜惟是該逆徧犯丹陽於松柏村鳳凰
岡等處築壘數十座我軍截剿經月雖屢有斬

捨而賊黨踵至延陵寶堰一帶皆已有賊往來
該處可以直走常州儘有疏虞則首尾不能兼
顧惟有儘力攻剿或可杜賊兇鋒臣營精銳惟
恃張國樑一軍今該總兵罷復受傷醫治尙需
時日臣又假疾大發寸步維艱昨以賊窺黃土
橋力疾督陣復感暑熱氣喘加劇臣受

國厚恩雖死不足以塞責第慮江南賊勢甚熾甯

國建平溧水內犯處處可虞臣軍扼剿丹陽營二十餘里該逆因我兵截其東竄乃復糾黨與四出窺伺似此賊衆兵單大局萬分緊要可否籲懇

天恩添派得力大員前來協助不勝激切待

命之至所有前蒙

飭調各路官軍仍請

旨嚴催迅速來營以資攻剿

同日何桂清奏言南陵大股賊匪於六月「三
日復竄涇縣之上下坊欲圖援應甯國周天受
督軍馳勦該逆遁回南陵其甯國之賊乘我軍
調赴涇縣南路空虛亦於十三日分股千餘人
撲我營盤經都隆阿等奮力擊退提督鄧紹良
自廣德馳回二十日督軍環攻該逆從西北兩

門分股三四千人前來抗拒復從東路撲出二
三千人併力接應我軍分投迎勦斃賊甚多該
逆又撲我南路營盤復經都隆阿等四路兜勦
賊鋒大挫潰奔西山一帶回巢是日之戰統計
斃賊三四百人鄧紹良以南路兵力尙單復抽
撥陳再受楊金榜帶勇三百名合力堵禦再圖
圍攻其東夏餘匪於六月十六日糾黨直撲建

平秦如虎，假傷未愈，與署知縣張炳文扼守城池。江長貴派遊擊蔣錫光等分路迎勦，並親督都司劉仁福等抄襲其後，斃賊極多。逆眾紛紛潰散，我軍奮勇追勦，沿河斬殺淹斃，不計其數。該逆於是夜全股竄往東壩。臣查甯國軍情，經鄧紹良統領諸軍節次圍攻，賊勢已形窮蹙。茲周天受一軍扼守南路，可以杜南陵青石一帶。

賊援此後攻勦更當得手其建平一路自該逆
竄陷東夏營盤疊次攻撲城池秦如虎江長貴
先後督勦殲斃逆匪不下二千刻下全股退竄
東壩勦辦甚爲出力惟定埠等處道路紛歧仍
虞賊蹤竄突現在向榮飭令明安秦移師進紮
定埠臣亦令秦如虎江長貴分兵進紮東夏定
埠二處臬司慶廉並由廣德防所添撥兵勇留

於建城防守以爲東夏定準策應至此次溧水
賊匪大股竄犯建平意圖接應甯國攻襲浙江
情形萬分喫緊諸將士合力同心屢戰皆捷得
以保全大局所有尤爲出力各員相應開列仰
懇

恩施以昭激勸

何桂清又奏言查東壩地方當太平甯國高淳

之衝實蘇浙兩省門戶其東壩後路有溧陽建
平二縣又當東壩及溧水之衝亦爲蘇浙兩省
門戶自賊踞溧水以後可不必經由東壩而直
犯溧陽建平故蘇省之防以溧陽爲扼要浙省
之防以建平爲扼要向榮令明安泰管帶兵勇
六千駐守溧陽原爲兼防溧水起見其時大營
新退丹陽兵力不敷調撥僅令秦如虎管帶浙

省兵勇千餘名防堵東壩而甯國攻勦正當喫
緊亦僅能分兵千餘名駐紮東夏以防建平詎
六月初二三日溧水之賊竄入建平定埠地方
已在東壩之下十餘里建城並無防兵其地旣
通廣德四安大路又有小路可繞出溧陽縣城
直達宜興荆溪以犯蘇常湖三郡秦如虎因孤
軍株守東壩無益於江浙兩省當卽商同仲孫

定埠一帶察看形勢擇要紮營一面挑選兵勇
交遊擊馬永清統帶約會秦如虎等相機會勦
臣惟有令秦如虎速飭將士步步爲營紮出東
定埠會同明安秦肅清東壩一面厚集兵力直
逼溧水迅圖克復城池庶幾賊氛漸遠蘇浙兩
省門戶可以鞏固矣均奏入

上命軍機大臣傳諭向榮曰據向榮奏連日攻毀賊壘

並該大臣患病情形朕心深爲懸念所請添派得力
大員一時實難其選該大臣久在戎行經歷各省所
有提鎮以上大員必有謀勇兼優素所深信之人著
卽酌舉一二人速行密奏候朕簡派以資幫辦張國
樞身受槍傷猶復奮力前衝實屬勇往茲已派令幫
辦軍務自當益加奮勉以酬異數前調福建兵除分
撥江西外應赴江南者尙有三千四百名已諭何桂

清飛檄提催其河南陝西官兵本日亦諭英桂催令
傅振邦統帶迅速起程又據和春等前奏於輯順所
帶馬隊之外續行抽調官兵一千餘名此二路官兵
相距較近當可剋期到營稍資分布建平賊匪據何
桂清奏現已退回東壩浙省自可無虞內犯惟東壩
直達無錫距蘇州切近我軍皆在上游深恐鞭長莫
及著該大臣督飭明安泰等務將該處迅圖克復力

扼內犯要衝方能專意進攻不致顧此失彼

上又命軍機大臣傳諭英桂何桂清曰前據英桂奏稱遵撥西安馬隊一千名令傅振邦統帶前往江南並於該鎮原帶官兵內酌量抽撥一併帶往現在向榮駐守丹陽雖屢獲勝仗而賊衆兵單寇氛日徧張國樞復以接仗受傷情形危急傅振邦統帶西安馬隊係於何日起程著英桂催令飛速前進該鎮原帶官

兵內抽派若干並著多撥精銳藉資得力前撥福建
官兵三千名因饒州失守已將張從龍陳上國兩軍
共三千一百名截留江西其餘一千四百名及續調
福建兵二千名均應前赴江南是否已入浙境著何
桂清飛檄迎提飭令速赴向榮軍營聽候調遣何桂
清本日所奏東壩地勢及布置情形均屬周妥建平
之賊既經擊退卽著該撫督飭秦如虎相機籌剿並

知會向榮力扼東壩毋令該逆內竄

諭內閣曰賊匪竄踞甯國窺伺建平經各路官軍攻剿大獲全勝辦理尙屬得手所有在事尤爲出力之前任雲南楚雄協副將秦如虎著交軍機處記名遇有總兵缺出請旨簡放藍翎知州仲孫懋業經以知府補用著賞換花翎千總秦坤業經賞加五品頂戴著賞戴花翎並留於浙江以守備用軍功揚名聲著

留於浙江以千總儘先拔補知縣張炳文著俟補缺後以同知用先換頂戴

上又諭內閣曰提督銜福建漳州鎮總兵張國樑著在向榮軍營幫辦軍務

十七日 壬申 德興阿翁同書奏言七月初間賊偵

知樸樹灣撥兵增防時有游騎窺探虛實初四日 臣 德興阿帶投誠義勇親至樸樹灣督攻 臣

翁同書帶兵赴三汊河督攻其時西岸帶子溝
東岸尹家橋等處有賊旗搖颺墟莽之間誘我
深入被我兵鼓銳直前槍箭齊發賊見官軍勢
盛紛紛敗回計擊斃賊二十餘名淹溺三四十
名是夜接余萬清來信約以乘夜會攻臣等當
於初五日寅刻發兵進至四里鋪偪壘環攻並
無一賊出敵城牆槍礮如雨我兵勇有踰溝直

八者竹籬木柵無可託足又因曉霧未退莫辨
徑途祇得覓水而回焦山師船亦因余萬清密
約於是日黎明揚帆駛攻北固山賊隄偏近銀
山進攻擊倒望臺數處適有北渡賊船經各快
艇擊沈再六月二十六七等日管帶紅單船之
參將李新明在石埠橋與賊接仗擊斃一百餘
名並將逆賊新造北渡船隻全行掃蕩因卽分

撥紅單船三隻在六合東溝扼駐

德興阿翁同書又奏言據總兵張國樑稟稱向榮連日病劇不起於七月初九日在營病故該總兵受總統之責所有軍務一切事宜惟有加意維持嚴飭防範以期無虞等情查向榮在金陵統兵數載南岸全局賴以維持今年五月賊眾大股欲圖內犯經向榮駐師丹陽得以先期

布置蘇常無恙近聞其斬渠平壘正在得手之
際遽爾溢逝實堪痛惜况當此南岸逆燄未消
勦辦事宜在在極關緊要臣德興阿已密咨福
興余萬清並嚴飭張國樑加意防維力杜內犯
臣等仍當隨時互商辦理

同日曾國藩文俊奏言下游之賊竄踞南康城
中不時乘閒上犯水軍統領道員彭玉麟督率

各營防勦疊勝旋探得賊在南康一帶迫脅民夫修造戰船因派各營分途往勦長龍在前三板繼後六月十八日五鼓出隊行抵老廟地方焚賊艦六隻賊卽下竄我軍將長龍分泊兩岸各帶三板直赴南康城下該逆嬰城拒守我軍將沿岸堆積船料一概焚燒賊見城外火起卽開東門逃竄該道同營官鄧翼升等揮水勇登

岸進城因水兵不慣陸戰尾追十里而還查南
康地瘠民貧城內賊黨無多水軍出其不意卽
時收復惟吳城水師祇有四營下游之賊雖經
懲創尙有德安建昌之賊截我後路又無陸兵
爲之犄角故不敢守此荒城祇得安撫居民仍
回吳城駐泊每日派船十餘號游弋郡城以巡
哨爲防守所有善後事宜臣等另籌陸兵與水

師依護庶足以資堵禦

曾國藩文俊又奏言饒郡西通都湖北接彭建
實爲羣賊淵藪四路可通時虞窺伺臣等飭布
政使者齡督率水陸各軍擇要扼防相機攻擊
並以阿達春一軍進紮童子渡而令畢金科移
紮陶溪渡會合贛營併力守禦六月初一日探
得都湖建德逆匪分三路內犯畢金科等亦分

三路迎敵初二日進至陳家嶺畢金科奮勇衝
殺殲斃長髮四百餘人追及臥虎山四面壁立
遙見密林中尙有伏賊畢金科勒馬壓隊毋許
再追該逆知我兵不入伏中遂由山背抄至陶
溪渡直襲贛勇營盤須臾火起被陷贛營各軍
退屯四十里街畢金科以陶溪營壘被陷恐童
子渡亦難孤立帶勇退紮北門外初四日該逆

分竄景德知其爲聲東擊西之詭謀議定贛營諸軍力扼東路阿達春畢金科防禦西路水師分布沿河一帶初五日賊衆分五股來撲郡城畢金科等分途迎敵鏖戰二時賊黨敗走追不數里忽分股抄出隊尾兩營腹背受敵贛勇之在茅園者亦已敗退賊衆由北門竄入直出東門各營紛紛潰散水師賀虎臣康國器兩軍見

事勢危急督帶水勇登岸畢金科率親兵百餘
回擊由高門進至東門水勇登城短兵相接殲
賊三百餘名該逆狂奔出城我師雖於收隊時
轉敗爲勝然以傷亡過多勞乏過甚未敢久駐
城內耆齡督率水師泊於城河對岸陸營亦分
紮角山圩等處旋與賀虎臣退至距饒三十里
之表恩地方該逆於城外紮營四座堅壘深濠

極爲周密二十一日耆齡等定大舉進攻之議
二十二日東路水師先抵黃龍廟哨官楊占鰲
首先登岸畢金科等率兵勇繼進奮力衝殺火
箭火彈四面拋放賊營火起紛紛潰敗遂合攻
東門該處悍賊併力死拒適協和營繼進水師
亦舍舟登岸環攻數重始衝入賊營乘勢進城
追至大街城中伏賊突起三路抄來畢金科乘

勝怒戰連刺騎馬賊十一名該逆棄械逃奔計
殺死及轟斃約五六百人其自西路進者康國
器先帶礮船於高門上下開礮故作攻撲之勢
城西之賊分撤往救耆齡督令守備羅玉祥等
爲三隊迅速登岸賊之撤救高門者回顧不及
濟勝軍水師及陸勇乘機分道上城勦殺守城
之賊旋分撲高門靈芝門賊營縱火焚燒賊膽

驚落遂大奔潰分投追勦殺賊千餘生擒八十
五名立將饒州府城克復伏查饒州一郡捍禦
都湖皖南之賊東蔽廣信南衛省垣實爲江省
要區此次失陷半月幸我軍一鼓克捷保全東
北藩籬然近而都湖遠而徽池匪黨環窺仍須
厚集兵力方足以資防禦均奏入

上命軍機大臣傳諭德興阿翁同書曰據奏接張國樑

稟報向榮在營病故覽奏深堪憫惜已諭知怡良暫
署欽差大臣關防向榮應得卹典俟怡良奏報到日
再降諭旨至所奏近日樸樹灣三汊河攻勦情形斃
賊祇數十名仍未得手此時丹陽大營自向榮病故
後恐逆匪乘隙窺伺四出分竄雖經先派張國樑幫
辦軍務當必與福興隨同怡良實力防勦德興阿等
亦應加意籌防與江南聯絡聲勢使賊匪無閒可乘

並著督飭將士將江浦瓜州賊衆趕緊殲除毋再延誤

上又命軍機大臣傳諭怡良曰本日據德興阿等奏向榮於七月初九日在營病故等語覽奏實深痛惜怡良近在常州想已奏報在途此時丹陽大營統帥無人所有欽差大臣關防著怡良暫行署理俟簡派有人再行交卸江鎮逆匪雖經張國樑督兵攻毀賊壘

疊獲勝仗而逆勢披猖一聞向榮病故必將併力攻
撲丹陽大營設有疏虞大局何堪設想怡良身任總
督於該省防勦事宜本屬責無旁貸現署欽差大臣
軍營一切布置必應悉心籌畫力遏賊衝張國樑昨
已降旨令其幫辦軍務所有丹陽戰守事宜卽責成
該員督帶弁兵相機勦辦毋稍鬆懈朕聞福興近日
與張國樑意見參差將士無所適從軍營將士不和

關繫最重著怡良密爲察看如果福興與張國樞不能和衷辦事或將福興調赴江北或令其自領一軍奏明請旨所有水陸進勦機宜均著迅速妥籌隨時奏報以慰廑念

上又命軍機大臣傳諭葉名琛柏貴曾國藩文俊曰前以江南軍情喫緊諭令葉名琛迅派崑壽帶兵赴江南軍營此時丹陽等處賊氛大熾不徒賊衆兵單並

乏得力帶兵大員著葉名琛柏貴曾國藩文俊確探
該提督現在何處傳旨催令迅赴丹陽毋稍延誤至
江西省各路援軍漸次雲集南康饒州兩府城已報
收復且逆賊麇聚江南則江西境內情形較鬆曾國
藩等務宜乘此機會激勵將士將臨江瑞州等府次
第克復此次畢金科攻克饒州尙能奮勇著令隨剿
隨進毋得株守一隅專待外省援兵致稽時日

曾國藩文俊又奏言福建援江兵勇三千一百人現到建昌府者已有二千六百人屢接浙閩總督臣王懿德來咨先派護副將陳上國帶一千五百人馳赴金陵交向榮調遣其餘兵勇仍交副將張從龍留於江西攻勦建昌臣因饒州失陷恐賊蹤竄擾廣信擬俟陳上國閩兵過郡之便截留防守廣信今饒州業已克復此項閩

兵卽無庸留防廣信應令迅赴金陵以資援剿
至湖北援師由普承堯曾國華等統帶來江已
於六月十八日克復新昌縣二十四日克復上
高縣七月初旬可至瑞州從此兩湖聲息可通
大局當有轉機廣東援師據報潮州鎮總兵壽
山於五月十九日已至贛州府城二十二日大
獲勝仗防守尙嚴當可保全要郡奏入報

卷之三十一

三十一